

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZAVIDOVIĆIMA
Broj: 042-0-Su- 21-000 305
Zavidovići, 24.02.2021. godine**

Na osnovu člana 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine" broj: 38/05, 22/06, 63/10, 7/13, 52/14) i člana 8. tačka z) Pravilnika o unutrašnjem sudskom poslovanju („Službeni glasnik Bosne i Hercegovine ", broj: 66/12, 40/14, 54/17, 60/17 i 30/18), a u vezi sa Naredbom Kriznog štaba Federalnog ministarstva zdravstva broj: 01-33-5164/20 od 16.09.2020. godine, predsjednik Općinskog suda u Zavidovićima donosi:

KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID -19)

I-DONOŠENJE KRIZNOG PLANA PRIPRAVNOSTI I ODGOVORA NA POJAVU KORONAVIRUSA (COVID -19) U OPĆINSKOM SUDU U ZAVIDOVIĆIMA

Krizni plan pripravnosti i odgovora na pojavu koronavirusa u Općinskom sudu u Zavidovićima (u daljem tekstu: Sud) donosi se u skladu sa Naredbom Kriznog štaba Federalnog ministarstva zdravstva broj: 01-33-5164/20 od 16.09.2020. godine vezanu za situaciju za koronavirus (COVID-19) i druge slične epidemiološke situacije.

Donošenje ovog Kriznog plana pripravnosti i odgovora na pojavu koronavirusa ima za cilj praćenje situacije i poduzimanje svih higijensko-epidemioloških mjera kao i preventivnih mjera, odnosno postupanje Općinskog suda u Zavidovićima za vrijeme trajanja naredbi i preporuka donesenih od strane kriznih štabova Federalnog ministarstva zdravstva i Ministarstva zdravstva Zeničko-dobojskog kantona, zbog opasnosti od širenja korona virusa (COVID-19), radi sprečavanja i ranog otkrivanja slučajeva bolesti izazvane koronavirusom
(COVID-19), podizanje svijesti uposlenika kako bi se zaraza prevenirala i sporije širila.

II-OBAVEZE OPĆINSKOG SUDA U ZAVIDOVIĆIMA I UPOSLENIKA

U cilju poduzimanja preventivnih mjera zaštite uposlenika i korisnika usluga Općinskog suda u Zavidovićima od koronavirusa obavezno je:

- pojačati provođenje mjera zaštite od zaraznih bolesti, shodno Zakonu o zaštiti stanovništva od zaraznih bolesti FBiH („Službene novine FBiH“ broj: 29/05), sa posebnim akcentom na pojačanu i vanrednu dezinfekciju poslovnih površina i sredstava za rad;
- uposlenici i ostale osobe koja ulaze u zgradu suda, dužni su se podvrgnuti mjerenju temperature beskontaktnim toplomjerom koje će vršiti sudska policija;

- u slučaju da se kod osoba iz prethodnog stava ustanovi povišena tjelesna temperatura tim osobama neće biti dozvoljen ulazak u zgradu Suda uz preporuku javljanja nadležnom ljekaru, o čemu će se sačinjavati dnevni izvještaji o kojim su službenici sudske policije dužni obavijestiti bez odlaganja predsjednika ovog suda.
- sve osobe koje ulaze u sud, zaposlenici, stranke i građani dužni su u zgradi suda nositi zaštitne maske i provoditi druge higijensko-epidemiološke mjere zaštite;
- tokom boravka u zgradi Suda obavezno nositi zaštitnu masku i sprovoditi higijensko-epidemiološke mjere ;
- smanjiti broj direktnih kontakata i voditi računa o preporučenoj fizičkoj distanci;
- uposlenici su dužni da održavaju svoj radni prostor čistim, odnosno da redovno dezinfikuju svoj radni prostor i sredstva rada. Radni prostor je potrebno redovno i često provjetravati;
- prilikom zakazivanja i održavanja rasprava i ročišta koje se održavaju u kancelarijama i sudnicama potrebno je osigurati fizičku distancu od 2 metra uz neophodne epidemiološko-zaštitne mjere;
- u kancelarijama i prostorima gdje boravi više od jednog zaposlenika, obavezno je nositi zaštitne maske za lice bez izuzetaka;
- okupljanje i zadržavanje u radnim prostorijama mimo svog radnog mjesta potrebno je svesti na minimum, isključivo radi obavljanja službenih zadataka. Preporučuje se da uposlenici međusobno komuniciraju putem e-maila i telefona;
- rad sa strankama se organizuje uz osiguranje protoka stranaka na način da se omogući potrebna fizička distanca od najmanje 2 metra između stranaka uz poštivanje ostalih epidemiološko zaštitnih mjera.;
- sudska policija će vršiti kontrolu nošenja zaštitnih maski prilikom ulaska u zgradu suda;

III-OBAVEZA POSTUPANJA U SLUČAJU POJAVE SIMPTOMA ZARAZE KORONAVIRUSOM ILI KUĆNE IZOLACIJE

Svi uposlenici u Općinskom sudu u Zavidovićima u slučaju pojave simptoma zaraze koronavirusom (povišena temperatura, suhi kašalj, glavobolja, otežano disanje, odsustvo čula mirisa i drugo) kao i uposlenici kod kojih je laboratorijski potvrđen COVID-19 bez obzira na navedene simptome ostat će kod kuće te o tome obavijestiti nadležnu zdravstvenu ustanovu kako bi dobili adekvatne upute i liječnički tretman, o čemu će obavijestiti uposlenika Suda koji vodi evidenciju prisustva na poslu a koji će dalje o tome upoznati predsjednika i sekretara suda.

Uposlenici kojima je propisana obaveza kućne izolacije dužni su poštivati propisanu mjeru.

U slučaju pojave znakova zaraze u toku boravka u službenim prostorijama suda, uposlenik ili osoba koja je angažovana za rad u Sudu, dužna je odmah, putem telefona, obavijestiti neposrednog rukovodioca i bez odlaganja se javiti nadležnom domu zdravlja, odnosno nadležnoj službi radi dobivanja daljih uputa i preporuka.

U slučaju da veći broj uposlenika bude spriječen da obavlja poslove i zadatke usljed širenja zaraze, utvrdit će se neophodan broj uposlenika potreban za rad u Sudu, o čemu će se donijeti posebna odluka.

Svi uposlenici su dužni poštovati naredbe, odluke i preporuke nadležnih kriznih štabova kao i odluke i naredbe predsjednika suda.

IV-IZMJENE I DOPUNE KRIZNOG PLANA PRIPRAVNOSTI I ODGOVORA NA POJAVU KORONAVIRUSA (COVID -19)


Krizni plan pripravnosti i odgovora na pojavu koronavirusa u Općinskom sudu u Zavidovićima se može promijeniti shodno epidemiološkoj situaciji, te naredbama i preporukama Federalnog ministarstva zdravstva, Ministarstva zdravstva Zeničko - dobojskog kantona, Federalnog štaba civilne zaštite i Kantonalne uprave civilne zaštite.

Preporučuje se redovno informisanje putem web stranice Federalnog ministarstva zdravstva:
<https://covid19.fmoh.gov.ba/>

V-STUPANJE NA SNAGU KRIZNOG PLANA PRIPRAVNOSTI I ODGOVORA NA POJAVU KORONAVIRUSA (COVID -19)

Krizni plan pripravnosti i odgovora na pojavu koronavirusa u Općinskom sudu u Zavidovićima stupa na snagu danom donošenja i isti će biti dostavljen svim uposlenicima, objavljen na web stranici Općinskog suda u Zavidovićima i oglasnoj ploči Suda.

PREDSJEDNIK SUDA
Kalabić Uzeir



Dostaviti:

1. Svim uposlenicima putem e-maila,
2. Web stranica suda,
3. Oglasna ploča suda,
4. Sudska policija,
5. A/a

